

ხელშეკრულება № TEN-29
გამარტივებული სახელმწიფო შესყიდვის შესახებ

ქ. თბილისი

14 ივლისი 2022წ.

ერთი მხრივ, შპს „სპორტმშენსერვისი“ (შემდგომში „შემსყიდველი“) წარმოდგენილი მისი დირექტორის გერონტი ცინდელიანის სახით და მეორე მხრივ, შპს „ჯეოსტილი“ (შემდგომში „მიმწოდებელი“) წარმოდგენილი მისი დირექტორის კონსტანტინე მელაძის სახით სახელმწიფო შესყიდვების შესახებ საქართველოს კანონის 10¹ მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტის შესაბამისად ელექტრონული ტენდერის - **NAT220009635** საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

1. ხელშეკრულების საგანი

- 1.1. ხელშეკრულების საგანია შემსყიდველის მიერ წინამდებარე ხელშეკრულებით გათვალისწინებული პირობების შესაბამისად, ელექტრონული ტენდერის **NAT220009635** საფუძველზე სხვადასხვა ტიპის ავეჯის შესყიდვა.

2. შესყიდვის ობიექტი

- 2.1. შესყიდვის ობიექტია შესყიდვის ობიექტია ქ. თბილისში უნივერსიტეტის ქ. #15ა-ში მშენებარე 10 000 (ათიათასი) მაყურებელზე გათვლილი მულტიფუნქციური სპორტული დარბაზის (რომელმაც 2022 წლის სექტემბერში უნდა უმასპინძლოს კალათბურთში „2021 წლის ევროპის ჩემპიონატის“ ფინალურ ტურნირს) აღჭურვის ფარგლებში სხვადასხვა ტიპის ავეჯის შესყიდვა მისი მოწოდებითა და შემსყიდველის მიერ მითითებულ ადგილებზე განთავსებით (CPV – 39110000, 39120000, 39130000) - (შემდგომში – „საქონელი“), რომლის ზუსტი დასახელება და პარამეტრები მოცემულია სატენდერო განაცხადში, რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების საერთო ღირებულება

- 3.1. საქონლის ფასი განისაზღვრება ეროვნულ ვალუტაში;
3.2. საქონლის საერთო ღირებულებაა **337 880** (სამასოცდაჩვიდმეტი ათას რვაასოთხმოცი) ლარი;
3.3. დაფინანსების წყარო: საკუთარი შემოსავლები;

4. საქონლის ხარისხი და გარანტია

- 4.1. მიმწოდებელი იძლევა გარანტიას, რომ საქონლის ხარისხი უპასუხებს სატენდერო განაცხადისა და ხელშეკრულების პირობებს და დააკმაყოფილებს კონკრეტული საქონლისთვის გათვალისწინებულ მოთხოვნებს.
4.2. შესყიდვის ობიექტის თითოეული პოზიციის მიხედვით მოწოდებულ საქონელზე ვრცელდება გარანტია შესაბამისი მიღება-ჩაბარების აქტის გაფორმების დღიდან 1 წლის ვადით.
4.3. მოწოდებული საქონელი უნდა იყოს ახალი და არ უნდა ავლენდეს ხარვეზებს. შემსყიდველის მხრიდან შესყიდვის ობიექტის ექსპლუატაციის ნორმების დაცვის შემთხვევაში, საგარანტიო ვადის განმავლობაში მიმწოდებელმა საკუთარი ხარჯებით უნდა აღმოფხვრას ექსპლუატაციის პროცესში გამოვლენილი ნებისმიერი ხარვეზი/წუნი (ტრანსპორტირების ჩათვლით), საჭიროების

შემთხვევაში უზრუნველყოს წუნდებული შესყიდვის ობიექტის შეცვლა ახლით, ასეთი ხარვეზის/წუნის გამოვლენიდან შემსყიდველთან შეთანხმებულ გონივრულ ვადაში (მაგრამ არაუგვიანეს 30 კალენდარული დღისა).

- 4.4. მიმწოდებლის მიერ 4.3 პუნქტში მითითებული ვალდებულების შეუსრულებლობის შემთხვევაში, შემსყიდველ ორგანიზაციას უფლება აქვს საკუთარი ხარჯებით აღმოფხვრას ექსპლუატაციის პროცესში გამოვლენილი დეფექტები და მოსთხოვოს მიმწოდებელს შესაბამისი ხარჯების სრულად ანაზღაურება.

5. საქონლის მიწოდების ვადები, ადგილი და პირობები

- 5.1. საქონლის მიწოდების ადგილია შემსყიდველის მისამართი: შესყიდვის ობიექტი მოწოდებულ უნდა იქნას შემსყიდველის მისამართზე ქ. თბილისი უნივერსიტეტის ქ. #15ა, ახალი მულტიფუნქციური სპორტის სასახლე, ამასთან მიმწოდებელმა უნდა უზრუნველყოს მისი განთავსება მითითებულ ადგილას;
- 5.2. საქონლის შესყიდვის პარალელურად, მიმწოდებელი ვალდებულია უზრუნველყოს საქართველოში მოქმედი კანონმდებლობით გათვალისწინებული თანმხლები დოკუმენტაციის წარდგენა შემსყიდველისათვის (სასაქონლო ზედნადები და/ან კანონით გათვალისწინებულ შემთხვევაში საგადასახადო ანგარიშ-ფაქტურა);
- 5.3. საქონლის მიწოდება განხორციელდება ხელშეკრულების დადებიდან არაუგვიანეს 45 კალენდარული დღის ვადაში.

6. საქონლის მიღება-ჩაბარების წესი

- 6.1. საქონლის მიღება ფორმდება და მისი გადაცემა დასტურდება ორივე მხარის მიერ ხელმოწერილი შესაბამისი საბუთით - ინსპექტირების განმახორციელებელი პირის დასკვნის საფუძველზე გაფორმებული მიღება ჩაბარების აქტით რომელზე ორმხრივად ხელმოწერამდე ყველა ქონებრივი უფლება საქონელზე ეკუთვნის მიმწოდებელს, რომელიც პასუხისმგებელია შესაძლო რისკებზე – საქონლის შემთხვევით (მთლიანად ან ნაწილობრივ) დაღუპვაზე, გაფუჭებაზე ან რაიმე ზიანზე. აღნიშნული დოკუმენტის გაფორმების მომენტიდან აღნიშნული უფლებები და რისკები გადადის შემსყიდველზე.
- 6.2. მიღება-ჩაბარების აქტზე ხელმოწერი პირია: ინფრასტრუქტურის, საპროექტო და მატერიალურ-ტექნიკური უზრუნველყოფის სამსახურის უფროსის მოადგილე: მამუკა ბახტაძე;

7. ანგარიშსწორების ფორმა, გრაფიკი (ვადები) და ადგილი

- 7.1. მიმწოდებელთან ანგარიშსწორება განხორციელდება ეროვნულ ვალუტაში;
- 7.2. ანგარიშსწორება შესაძლოა განხორციელდეს ერთიანად საბოლოო და/ან საავანსო ანგარიშსწორების ფორმით, არაუმეტეს სახელშეკრულებო ღირებულების 30%;
- 7.3. საავანსო ანგარიშსწორებისათვის, მიმწოდებელი ვალდებულია, შემსყიდველს წარუდგინოს საქართველოს კანონმდებლობის შესაბამისად ლიცენზირებული დაწესებულების (უცხო ქვეყნის საბანკო დაწესებულების შემთხვევაში, იგი გადაზღვეული უნდა იყოს საქართველოს ეროვნული ბანკის მიერ ლიცენზირებული საბანკო დაწესებულების მიერ) მიერ გაცემული, ავანსის იდენტიური ოდენობის საბანკო გარანტია, რომლის მოქმედების ვადა ხელშეკრულების მოქმედების ვადას უნდა აღემატებოდეს არანაკლებ 30 კალენდარული დღით;
- 7.4. საავანსო ანგარიშსწორების ფორმით გადაცემულ თანხის გაქვითვა განხორციელდება საბოლოო მიღება-ჩაბარების დროს;
- 7.5. საავანსო ანგარიშსწორების განხორციელების საფუძველია მიმწოდებლის მიერ წარმოდგენილი საავანსო საბანკო გარანტია;

- 7.6. საქონლის ღირებულების ანაზღაურება განხორციელდება უნაღდო ანგარიშსწორების წესით;
- 7.7. საავანსო ანგარიშსწორებო განხორციელდება ამავე ხელშეკრულების 7.3 პუნქტში მოცემული დოკუმენტაციის წარმოდგენიდან არაუგვიანეს 10 სამუშაო დღის ვადაში;
- 7.8. საბოლოო ანგარიშსწორება განხორციელდება მხარეთა შორის მიღება-ჩაბარების აქტის გაფორმებისა და წინამდებარე ხელშეკრულების 5.2. პუნქტში მითითებული დოკუმენტაციის წარმოდგენიდან არაუგვიანეს 10 (ათი) სამუშაო დღისა.

8. მხარეთა უფლება-მოვალეობანი

- 8.1. შემსყიდველს უფლება აქვს:
- სასაქონლო ზედნადების გაფორმებამდე შეამოწმოს საქონლის ხარისხის შესაბამისობა ხელშეკრულებით გათვალისწინებულ პირობებთან.
 - შემსყიდველის მხრიდან ინსპექტირების განმახორციელებელ პირს წარმოადგენს: შპს "სპორტმშენსერვისი"-ს მატერიალურ-ტექნიკური უზრუნველყოფის განყოფილების უფროსი სპეციალისტები - ივანე გგელიშვილი და მიხეილ ფიცხელაური;
- 8.2. შემსყიდველი ვალდებულია:
- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;
 - უზრუნველყოს საქონლის მიღება.
- 8.3. მიმწოდებელს უფლება აქვს:
- მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებული პირობებით.
- 8.4. მიმწოდებელი ვალდებულია:
- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

- 9.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას საქართველოში მოქმედი კანონმდებლობის შესაბამისად;
- 9.2. იმ შემთხვევაში თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებებს, მეორე მხარეს უფლება აქვს მოითხოვოს, ხოლო ასეთ შემთხვევაში დამრღვევი მხარე ვალდებულია გადაიხადოს ჯარიმა შეუსრულებელი ვალდებულების ღირებულების/გადასახდელი თანხის 0.1%-ის ოდენობით ყოველ გადაგადაცილებულ დღეზე;
- 9.3. თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.
- 9.4. ხელშეკრულებიდან გასვლასთან დაკავშირებით შესაბამისად გამოიყენება საქართველოს სამოქალაქო კოდექსი.

10. ხელშეკრულების მოქმედების ვადა

- 10.1. ხელშეკრულება ძალაში შედის მხარეთა მიერ მისი ხელმოწერისთანავე და მოქმედებს 2022 წლის 30 სექტემბრის ჩათვლით, ხოლო მე-4 პუნქტი მოქმედებს ამავე პუნქტში აღნიშნული ვადის გასვლამდე;

11. ხელშეკრულების შესრულების უზრუნველყოფის გარანტი

- 11.1. ხელშეკრულებაში გამოყენებულია სს „თიბისი ბანკის“ მიერ 2022 წლის 2022 წლის 12 ივლისს გაცემული ხელშეკრულების შესრულების უზრუნველყოფის საბანკო გარანტია (#1919000-12100358) მთლიანი სახელშეკრულებო ღირებულების 10%-ის პროცენტის ოდენობით, რომელიც ძალაშია 2022 წლის 31 ოქტომბრის ჩათვლით;
- 11.2. მიმწოდებლის მიერ ხელშეკრულებით ნაკისრი ვალდებულებების შეუსრულებლობის, აგრეთვე ნაწილობრივი ან არაჯეროვანი შესრულების მიზეზით ხელშეკრულების შეწყვეტის შემთხვევაში, შემსყიდველი უფლებამოსილია განახორციელოს საბანკო გარანტიის სრული ოდენობით გამოყენება;
- 11.3. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ვალდებულია მიმწოდებლის წერილობითი მოთხოვნის საფუძველზე უზრუნველყოს ხელშეკრულების შესრულების უზრუნველყოფის საბანკო გარანტიის დაუყოვნებლივ დაბრუნება.
- 11.4. საბანკო გარანტია მიმწოდებელს დაუბრუნდება - მიმწოდებლის მიერ ხელშეკრულებით ნაკისრი ვალდებულებების სრულად შესრულებისას.

12. ხელშეკრულების პირობების გადასინჯვის შესაძლებლობა

- 12.1. წინამდებარე ხელშეკრულების პირობების მიმართ, მათ შორის, ფასის შეცვლასთან დაკავშირებით გამოიყენება საქართველოს მოქმედი კანონმდებლობა.

13. ფორს-მაჟორი

- 13.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ;
- 13.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდება ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე, ამასთან შემსყიდველი ვალდებულია ფორს-მაჟორული გარემოების დასრულებისთანავე განახორციელოს ფაქტიურად მიწოდებული საქონლის ღირებულების ანაზღაურება;
- 13.3. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

14. დავები და მათი გადაწყვეტის წესი

- 14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე;

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს მოქმედი კანონმდებლობის შესაბამისად.

15. საქონლის შემოწმების პირობები

- 15.1. შემსყიდველი უფლებამოსილია საქონლის მიწოდებისას, სასაქონლო ზედნადების გაფორმებამდე განხორციელოს შემოწმება, რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და მოთხოვნებთან;
- 15.2. შემოწმების შედეგად გამოვლენილი ნებისმიერი ნაკლის ან/და დეფექტის შესახებ შემსყიდველი დაუყოვნებლივ აცნობებს მიმწოდებელს წუნდების მიზეზების მითითებით;
- 15.3. სასაქონლო ზედნადების გაფორმებამდე გამოვლენილი დეფექტის ან/და ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

16. სხვა პირობები

- 16.1. არც ერთ მხარეს აქვს უფლება თავისი უფლებები და მოვალეობები გადასცეს მესამე პირს, მეორე მხარის წერილობითი თანხმობის გარეშე;
- 16.2. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.3. ხელშეკრულება შედგენილია ქართულ ენაზე, ხელმოწერა განხორციელებულია ელექტრონულად და ინახება მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17. მხარეთა რეკვიზიტები:

შ.პ.ს „სპორტმშენსერვისი“

საიდენტიფიკაციო კოდი: 204878542

მის.: ქ.თბილისი, უნივერსიტეტის ქ.#15ა

იურ. მის.: ქ. თბილისი, ი. ჭავჭავაძის გამზ., #49ა

საბანკო რეკვიზიტები:

ს/ს „ტერა ბანკი“

ბანკის კოდი: TEBAGE 22

ანგარიშის ნომ: GE08KS0000000360800806

დირექტორი: გ. ცინდელიანი

შპს ჯეოსტილი

საიდენტიფიკაციო კოდი: 205125933

მის.: ქ. თბილისი, ჯიქიას ქ. #5

საბანკო რეკვიზიტები:

ს.ს. „თიბისი ბანკი“

ბანკის კოდი: TBCBGE22

ანგარიშის ნომ: GE94TB1900036020100009

დირექტორი: კ. მელაძე